

Na osnovu člana 13. Zakona o organizaciji i nadležnostima kantonalnih organa uprave i upravnih organizacija („Službeni glasnik Unsko-sanskog kantona“, broj: 9/13), i stava (3) člana 47. Zakona o izvršavanju Budžeta za 2023. godinu („Službeni glasnik Unsko-sanskog kantona“, broj: 6/23 i 11/23), a na osnovu Odluke Vlade Unsko-sanskog kantona broj: 03-02-2190-552/2023 od 19.7.2023. godine, Ministarstvo obrazovanja, nauke, kulture i sporta raspisuje

**JAVNI POZIV**  
**za raspodjelu sredstava tekućeg granta – Grant za mlade za 2023. godinu iz Budžeta**  
**Unsko-sanskog kantona**

Član 1.

Sredstva tekućeg granta – Granta za mlade za 2023. godinu osigurana u Budžetu Unsko-sanskog kantona dodjeljuju se za programe i projekte od interesa za mlade.

Član 2.

Pravo učešća na javnom pozivu imaju udruženja, mediji, ustanove i druga pravna lica koja se bave pitanjima mladih na području Unsko-sanskog kantona, kao i neprofitne organizacije koje su registrovane u skladu sa federalnim zakonima, kao i zakonima Bosne i Hercegovine koje obavljaju djelatnost, djeluju i izvode aktivnosti projekta na području Unsko-sanskog kantona, te implementiraju projekte od interesa za mlade na području Unsko – sanskog kantona.

Član 3.

Sredstva se dodjeljuju za projekte od interesa za mlade koji se odnose na:

- a. rad, zapošljavanje i poduzetništvo mladih
- b. obrazovanje i nauku mladih
- c. socijalnu brigu o mladima
- d. sigurnost mladih
- e. kulturu i sport mladih
- f. aktivizam (učešće, volontiranje i mobilnost) mladih

Član 4.

(I) Odabir programa i projekata vršit će se u skladu sa usvojenim općim i posebnim kriterijima.

1. **Opći kriteriji primjenjuju se na sve korisnike predviđenih sredstava, na osnovu kojih su u obavezi da dostave:**

- Rješenje o upisu u Registar udruženja kod Ministarstva pravosuđa i uprave Unsko – sanskog kantona, ili drugog nadležnog organa u Federaciji Bosne i Hercegovine, ili Bosne i Hercegovine iz kojeg je vidljiva djelatnost koja je usmjerena u oblast od interesa za mlade, ili za pravna lica Rješenje o upisu u sudski registar
- Uvjerenje o poreznoj registraciji, odnosno ID broj (izdaje Porezna uprava KPU USK)
- Potvrdu banke o transakcijskom računu
- Karton deponovanih potpisa iz banke osoba odgovornih za finansije.

## **2. Posebni kriteriji za programe i projekte mladih su:**

- da se projekt implementira na području Unsko-sanskog kantona i da je u interesu mladih Unsko – sanskog kantona,
- da su originalni, zanimljivi i korisni projekti koji podstiču mlade da se uključe i budu aktivni članovi sredine u kojoj žive,
- da potiču mlade na demokratiju, toleranciju i ravnopravnost spolova, volontiranje i timski rad,
- da su projekti koji se odnose na kreativno izražavanje (književnost, likovna umjetnost, pozorište, muzika, ples, umjetnička fotografija, film, sport i sl.),
- da su projekti od utjecaja na prevenciju ovisnosti i promociju zdravog života, sporta i sl.,
- programi i projekti koji afirmišu aktivnosti na organizacionom jačanju asocijacija i organizacija mladih,
- kvalitet kandidiranih programa i projekata, dugogodišnji kontinuitet i značaj za širu društvenu zajednicu,
- edukacijski programi koji pospješuju aktivnosti, razvijanje organizacijskih sposobnosti i učešće mladih u javnom životu,
- dosadašnji uspjesi na domaćem i međunarodnom planu,
- programi i projekti čija je ciljna grupa mladi (od 15 do 30 godina starosti),
- programi i projekti medijske promocije tema i aktivnosti od značaja za mlade.

(II) Komisija će bodovati projekte na osnovu općih i posebnih kriterija bodovima od 1 do 10.

#### Član 5.

Prije donošenja konačne odluke o odabiru, Komisija zadržava pravo zatražiti dodatna pojašnjenja projekta od aplikanta.

Aplikanti koji nisu ispunili formalno-pravne uslove, odnosno čije su prijave u suprotnosti sa članom 6. ovog Javnog poziva i aplikanti čiji projekti, u skladu sa stručnom ocjenom Komisije, nisu odobreni za finansiranje iz sredstava tekućeg granta - Grant za mlade bit će o tome obaviješteni.

Obavijest o dodijeljenim sredstvima, nepotpunim i neblagovremenim prijavama objavit će se na web stranici Vlade USK-a – [www.vladausk.ba](http://www.vladausk.ba).

Protiv obavijesti iz stava 2. ovog člana aplikanti mogu podnijeti prigovor Ministarstvu obrazovanja, nauke, kulture i sporta u roku od 3 dana od dana objave.

O prigovoru odlučuje ministar Ministarstva obrazovanja, nauke, kulture i sporta.

Odluka o prigovoru je konačna.

#### Član 6.

Podnosioci zahtjeva dužni su dostaviti sljedeću dokumentaciju kako bi dokazali ispunjavanje uslova:

1. Rješenje o upisu u Registar udruženja kod Ministarstva pravosuđa i uprave Unsko – sanskog kantona ili drugog nadležnog organa u Federaciji Bosne i Hercegovine ili Bosne i Hercegovine iz kojeg je vidljivo sjedište udruženja i djelatnost koja je usmjerena u oblast od interesa za mlade ili za pravna lica Rješenje o upisu u sudski registar.
2. Uvjerenje o poreznoj registraciji, odnosno ID broj (izdaje Porezna uprava KPU USK).
3. Potvrdu banke o transakcijskom računu.
4. Karton deponovanih potpisa iz banke osoba odgovornih za finansije.
5. Iznad navedenu dokumentaciju nisu u obavezi dostaviti ustanove kojima je osnivač Unsko-sanski kanton.

Svi dokumenti prilažu se u originalu ili ovjerenoj kopiji koja ne smije biti starija od 3 mjeseca računajući od dana objavljivanja javnog poziva.

Projekat (ovjeren i potpisan od strane podnosioca) dostavlja se na posebno propisanom obrascu.

Neće se uzeti u razmatranje projektni prijedlozi aplikantata čiji administrativni troškovi (režije, telefonski troškovi, uredski materijal, bankovni troškovi, usluge knjigovodstvenog servisa, najam ureda i slično) na projektu prelaze 30 % ukupnog budžeta

#### Član 7.

Prijava za dodjelu sredstava odnosno finansiranje/sufinansiranje projekata, posebno za svaki predloženi projekat, podnosi se na posebnom obrascu koji se preuzima sa stranice Ministarstva [www.vladausk.ba](http://www.vladausk.ba), ovjerenom i potpisanom od strane odgovorne osobe, a koji mora sadržavati:

- a) informacije o podnosiocu projekta (naziv aplikanta, odgovorna osoba, kontakt osoba za realizaciju projekta, telefon)
- b) naziv projekta (ne više od 8 riječi)
- c) lokaciju implementacije projekta
- d) ukupan budžet projekta i izvore finansiranja
- e) sažetak projekta
- f) opći cilj i specifične ciljeve projekta
- g) relevantnost projekta
- h) očekivane rezultate
- i) projektne aktivnosti po fazama i vremenski okvir
- j) održivost projekta
- k) partnere na projektu (ukoliko ih ima)
- l) budžet projekta (Aneks 1)
- m) detalje o sufinansiranju (ukoliko postoje vlastiti ili drugi izvori finansiranja)
- n) opis organizacije aplikanta
- o) broj žiro računa i naziv banke kod koje je otvoren račun.

Svi aplikanti po javnom pozivu mogu dostaviti samo jedan projektni prijedlog.

#### Član 8.

Obrazac za prijavu projekta sa budžetom i obavezna dokumentacija, trebaju biti dostavljeni na način da su isti uvezani i poredani prema redoslijedu.

Projekti se dostavljaju u zatvorenoj koverti (A4 format) sa naljepnicom na koverti (umjesto adrese zalijepljen popunjen obrazac aplikanta koji se nalazi na web stranici Ministarstva: [www.vladausk.ba](http://www.vladausk.ba).)

#### Član 9.

Neće se uzeti u razmatranje prijave aplikanta dostavljene po javnom pozivu:

- a) čija prijava je neblagovremena (dostavljena nakon proteka roka određenog javnim pozivom)
- b) koji ne dostave kompletnu dokumentaciju koja se traži javnim pozivom
- c) koji dostave projekte usmjerene na oblasti suprotno onim koje su određene u javnom pozivu

- d) koji ne razrade projekat u skladu sa članom 7. ovog Javnog poziva
- e) koji za svaku stavku nabavki iz Budžeta projekta veću od 2.000,00 KM ne prilože predračun
- f) koji su prethodnih godina dobili sredstva od ovog Ministarstva, a nisu ispunili obavezu pravljanja i izvještavanja
- g) neprofitnih organizacija čiji administrativni troškovi (režije, telefonski troškovi, uredski materijal, bankovni troškovi, usluge knjigovodstvenog servisa, najam ureda i slično) na projektu prelaze 30 % ukupnog budžeta projekta.

Član 10.

Prijave dostavljene nakon isteka roka iz Javnog poziva vraćaju se aplikantu neotvorene, a sve ostale prijave zajedno sa pratećom dokumentacijom ne vraćaju se aplikantu.

Član 11.

Popunjenu, potpisanu i ovjerenu prijavu sa svim potrebnim priložima naznačenim u Javnom pozivu slati na adresu: Ministarstvo obrazovanja, nauke, kulture i sporta Unsko-sanskog kantona, Alije Đerzeleza broj 6 Bihać, sa obaveznom napomenom: **Prijava na Javni poziv – ne otvaraj.**

**Rok za podnošenje prijave je petnaest (15) dana od dana objave Javnog poziva.**



Ministar

Mr. sci. Edvin Alijanović

Broj: 10-11-786071/23  
Bihać, 24-07-2023. godina